

晴川續蟹錄

錄

河渚孫之驟晴川輯

山家五 曰四月十六日夜月上有黑雲主有蟹

五行紀歷云夏至前蟹上岸夏至後水到岸

太乙經是四月時蟹神主備其月

珠密語五行篇注曰蟹衆出主大風又云蟹四甲
主戰急

及人經曰狼丈解嘔解音蟹

望臺經曰若身命如得魚羊蝸蟹即多兄弟又云金
山蟹磨有穢行

太玄女青拔罪妙經云為有罪魂合為飛走萬類亦
向隨罪輕重分配生方或為蝦蟇蚤虱或為鱮鱸水
母或作蝎蟹蜘蛛或乾居濕居或巢居穴居如是種
種隨業改形隨福受報

緯含文嘉曰龜鱉蝦蟹諸水族禽蟲忽見朝廷都
中城邑宮室人家及軍營中皆主兵起大凶

波離密多經矧弱質而飲泉蟹壯容而寄穴驕鱗急
夫驚先之

却康山汪中孚云四辰在丑丑為鼈蟹鼈蟹魚之微
首陰陽式法曰丑魚鱉鱉

纂文曰取蠃者曰蠃初學記蠃取蠃也

東坡云墨入漆最善然以少蠃黃敗之乃可不爾即堅頑不可用也

蟬史蘆邊蠃又名蘆區生水中形類蝓蚌而極小比蠃似蠃四足大毒不可食

六書故青蝓教侶蠃殼青海濱謂之蝓蝓

蝓角似車螯角蝓不正故名見臨海異物志

晴川曰寧之鎮海出交蠃焉其類純雌無雄

褚稼軒續蠃譜蘓州嘉定縣近海產蝓蟹大如荳味甚佳

鱓蝨蘆魴巨鱓也見駢雅

海多人言曰螃鱓最恓惶見玉照新志

莊子音義凡解字俱音蟹蓋取解散之義郭子玄注
天地篇所謂縣解陸德明音為玄蟹也

徐文長水墨蟹云鉗蘆何處去輸與海中神

真臘風土記查南之蝦重一斤以上獨不見鱓想亦
有之而人不食耳

郁離子海島之夷人好醒得蝦蟹螺蛤皆生食之以
食客不食則咻焉

東坡志林云嘗為我置酒蟹山藥桃李是時當復從

公飲也

名山記蛤湖中多蟹蛤在建昌府城西南三十里有石磴百丈瀑淙飛下入湖

明越風物志蝓蚌並螯十足在海邊地泥穴中潮退採取之四時常有蝓蚌重者踰數斤其小而黃者謂之石蝓蚌肉硬

五溪記敘州民多射生而鼻飲嗽地鼠捕蝦蟆朝營夕用故無宿給

張敏頭責子羽文曰嗟乎子羽何異石間餓螻

三洞群仙錄高閭得養生術飲酒至數斗不亂申郎

中為江東漕每按部必拉之同行嘗艤舟貴池亭有
九華李山人者與高友舊因謁申延使飲各盡二斗
餘殊無醉態高取釣竿曰各釣一魚以資語笑然不
得取蟹乃釣餌投坐前甃罅中俄頃李引一蟹出高
笑曰始釣魚今得蟹可罰也

岳珂程史載虞雍禦亮曰蟹渡本諺語以為蟹其義
則同

麟經猶蜂聞虎蜘蛛執豸

西磯山名蟹鉗頭信洋又鱗鉗海洋見海防纂要神
僧傳蓋真徃日本風漂至蛇海魚海鳥海則鱗鉗洋

洵不誣也

千金翼方曰蟹味鹹寒有毒主胸中邪氣熱結痛喝
僻面腫敗漆燒之致鼠解結散血愈漆瘡養筋益氣
瓜主破胞墮胎生伊洛池澤諸水中取無時

急就菹鯉鮒鱖鱠鮑鮓

宋史沈遵以齊郎舉進士知杭州能以術刺閭巷中
嘗禁捕西湖魚蟹有故人居湖上蟹夜入其廬會客
至共烹食之旦詣府遵謂曰昨夜食蟹美乎客笑而
謝嘉祐遺詔至遵次外舍不御酒肉者二十七日
駢字馮霄云京洛白蟹極佳烹消罕有得法者周朝

家僕楊承祿堯脫骨解獨為魁冠禁中時亦宣承祿
進之文其名曰軟雪龍

田藝蘅西湖詩云紫螯佐酒尖臍蟹紅繪飛刀巨口
鱸食蟹詩云左手持螯右酒卮江南風味稻黃時已
教高築糟丘待更乞張縣作畫師又雜記民謠曰一
丈雪三丈水雪皚皚水瀾瀾鰕解鱗跳梁老虎死烏鴉
吃飽謝白鼠時嘉靖四十年辛酉也五月五日辰星
入月北斗第四星無光主水吳分

画繼載李後主解圖

全蜀藝文志云遼州郡得冊葉一本皆書画名筆蓋

正德間物也上有豫章李士實及范香溪題解詩士
實題云潮落灘高天色寒悄無人語到江干鏃鏃兵
甲鳴相應萬里橫行信不難觀此則士實佐濠為逆
之本態露矣香溪題云橫行蠹稻雄稱闖虎貪憚無
厭化作田鼠吾將斫爾螫折爾股以除農殃兮酣我
醕此語似逆知其無君而誅之也愚按潮落天寒言
時之戚也悄無人語言謀之靜治也兵甲橫行言強
不可禦也然取象於螫何由萬里乎卒之支解族滅
信如香溪斫螫折股之說可嘖哉

仁孝皇后勸善書宋平陽邑淨明院有闍梨有元者

愛惜物命嘗作勸放生文鏤於板邑人為之戒殺一
夕元忽夢與百餘人俱立庭下皆云當就極刑元甚
恐念平生無惡何至是覺猶不樂因出戶外見有挈
籃粥小蟹者因買放之其數果百餘元乃悟後竟坐
化

宋書周朗傳今人知不以羊追狼蟹捕鼠而今重車
弱卒與肥馬悍胡相逐其不能濟固宜矣

閑牕括異志有張湘以乙卯魁亞薦揭曉兩夕夢人
持巨蟹撲賣湘一撲五錢皆黑一錢旋轉不已竟作
一字人曰我乎渾純及榜發乃小薦第一

西湖志餘云紹興二年兩浙進士類試于臨安湖州
談誼與鄉友七人謁上天竺觀音祈夢誼夢人以二
楪貯六茄為餽惡之蓋杭人以茄為落蘇而應詔者
以落蘇為下第也惟徐揚夢食巨蟹甚美迨旦同舍
聚坐一客語及海物黃甲者揚問其狀曰視蠟蟀差
小而比螃蟹為大揚竊喜乃以夢告人以為必中黃
甲之兆洎榜出六人皆不利揚獨登科

夏桂洲大江東去詞荅李蒲汀惠蟹云水落蒹葭白
露冷長養橫行之物夜雨踈燈照蝸涎曉起枯黏滿
壁物色堪嗟人情可慨愁鬢添新雪飄然霞外神仙

真是豪傑 故園酒熟雞肥相對青山有約黃花發
但得天息容拂袖眼底風波自減寵辱閒驚是非妄
騰胸次無毫髮寸心皎皎爭光天上秋月此詞壬寅
六月十二日作時公待罪閉門有憂讒懷隱之悰

謝李蒲汀惠蟹詞云夜雨秋尊新烹蟹又見一年風
物秉燭西堂聊自酌時聽蛩吟四壁滿殼膏肥雙鉗
肉嫩味勝經霜雪遍嘗海錯還輸此種為傑 芳鮮
充溢雕盤真堪咀嚼清興修然發却笑持螯人去後
風韻到今難減更待黃橙也須紫菊取醉娛華髮中
秋在望小樓酌共看月

浣溪沙荅序菴惠蟹云瀛海波涵秋氣清白沙如雪
夜盈盈月明紫蟹陣橫行 春甕酒初浮綠蟻小園
景已到香橙百枚遣贈謝高情

嚴州府志樊家山下有蟹黃泉

胡柳堂詩新洋江上蟹爭肥

柳堂字休復
萬曆時人

李泰伯長江賦云龍螭蛇龜固執殺生之權蝦蟹瑣
瑣猶或賈勇而爭先

蔡君謨葛氏草堂記云蟹魚果蔬俛仰掇拾登臨據
倚醉歡笑歌

劉基序章秀才觀海集云今夫海之為物浮天地納

日月汗漫入極人見其大也曷致哉鯨龍鰕鱓無不
有也江河溝瀆無不收也

魏書地形志陳留有鱓谷陂

唐彥謙詩曰湖田十月青霜墮晚稻初香鱓如虎板
脊拖網取賽多篋筭挑將水邊貨從橫連瓜一尺長
秀凝鐵色含湖光蚺蜥石鱓已曾食使我一見驚非
常買之最厭黃髯老償價十錢尚嫌少漫誇丰味過
蝓蚌尖臍猶勝圓臍好充盤煮熟堆琳琅橙膏醬滌
調堪嘗一斗擘開紅玉滿雙螯啜出瓊酥香岸頭沽
得泥封酒細嚼頻斟弗停手西風張翰苦思鱸如斯

丰味能知否物之可愛尤可憎嘗聞取刺于青蠅無腸公子固稱美弗使當道禁橫行彥謙字茂業并州人

坡仙集蘭陵胡世將家收東坡所畫蠓蠖屑毛介屈曲茫縷無不備具先生平日胸次宏放無所不可不獨寒林墨竹已入神品也

耳新集鄭超宗元勳於友人方無遠家見金陵漢仲謙以竹製一蟹一蟬情態畢肖置之几上蠕蠕欲動
蠓山有二一在湘鄉縣西一百二十里山頂有泉名

蠓泉一在湘潭縣治南其形似蠓

見一統志

巨蠓泉在江津縣北石佛寺山下邑人禱旱於此取水得黑蠓輒雨黃蠓不雨

老翁井在夔順山一名老翁洞洞中有泉常有白蠓出見又名四目老翁真府

瑞昌縣治內世傳郭璞相地形似蠓因名蠓口其左右有二井名曰蠓眼全上

登州縣志嵩山白龜泉有石蠓客問道士楊洞曰蠓旁行天性乎洞微以手指之即直行

四川嘉州八仙洞旁有金蠓池三字蘇東坡書蜀藝文志凌雲寺金蟹池泉穴出蟹大如金錢有士人讀

書其側夜半汲水見一蟹如盂大急取而置之器中
歷之明旦開視已失所在

桐下听然云支硎山有細泉自石面罅中流出雖大
旱不竭俗呼馬婆湍相傳支道人養馬蹟也萬曆庚
子忽見乾燥山中人云有賈胡每夜燭光凡半月取
一玉蟹而去

鄭明選螭賦曰粵惟旁蟹厥形瓌詭二螯如傲八足
如跪牡曰狼蠃牝曰博帶孰辨其形緣臍圓銳體外
剛而內柔兮直離德于南方心躁急而含毒兮足郭
索而反行負玄甲以自衛兮持凌鉞以為兵流未噴

而濤沸兮明眸盡而星光既隨潮而殼解兮亦應月
而腹實其氣足以致鼠兮其性足以已漆若乃沮洳
之場蛇蟬之窟或石竇豁訝或水穴汨溢乃就寂而
馮閒託茲地以為宅雖空洞之微細曠優游如廣室
或寄結蠟之腹紛相代以求食或遊蟻輸之殼伺開
合以出入惟秋冬之始交兮稻梁菀以油油循修阡
與廣陌兮未敢遽為身謀各執穗以朝其魁兮然後
奔走於江流遂輸芒於海若兮若諸侯之宗周於時
也厥軀充盈厥味旨嘉乃有王孫公子豪俠之家置
酒華屋水陸交加薄膾鯉於魚鱉羞炙鴉於胎鰈泉

四頤而躊躇悵不餘而咨嗟有敵者緯蕭承沅捕而
獻之賓客大笑樂不可支乃命和以紫蘇糝以山薑
搏以金盞沃以瑤漿於是奉玉盤而出中厨發皓手
而剖園巨銀絲縷解紫腋中藏膏含丹以若火肌散
素以如霜味窮蠶美息極芬芳宜乎君謨誤而致疾
畢卓持以忘生者也爾乃種族不一則有擁劍撥掉
蝟蚱蟲虻招潮望潮澎蜞澎蛸沙狗蘆虎蝦江灘塗
石蜎蜎撲黃甲蠓奴數九蟬蠟倚望澎蛸班形稍異
命名乃殊或乃長亘數丈鬻如巨斧馮凌揚波力能
拒虎類赴赴之壯夫環介胄而奮武諒茲味之洵美

非人力之可取若夫覽山海於圖經閱王會於周書
或身廣千里或殼大專車仰夏后之遐蹤企成周之
无虞哲王邈以幽遠情感慨而愁予獨佗條而太息
忘好羞之足愉

海豐有赤蠓見嶺南雜記

蟾蝦出于蚊港見臺灣紀畧

高澹人扈從西巡雜記詩曰野淀瀟漫一望迷魚莊
辦舍接通堤遠天雲樹依微裏只少樓臺似浙西又
雨中過密雲縣城西行田間詩曰密雨陰濃白鳥飛
徑穿禾黍到柴扉鄉心忽記西疇事水稻花香蟹漸

肥

周櫟園閩小紀云閩中海錯雖蛤不四明蟹不秦郵然種種咸備使醢漬得宜亦足匹美三吳乃醃糟無法腥醜相角土人所珍蟹醬土苗之類尤不堪下箸也

曠園雜誌桐城左園林有友方某過訪烹蟹十二觴之前一夕左友胡與立夢十二人向胡求救曰我本甲冑士馳名秋水鄉哀鳴來乞命急救十工堂且各道姓名內一人則胡舊相識亦與左交者也胡驚寤次日過左言及左驚曰甲冑者蟹也十二者左也十

二者數相合也中一人亦我知識也子不早告我悔何及矣左由是戒蟹並及鱸蟹向人勸誡之後至朴樹村有友餽以十蟹左欲不受恐終不免鼎鑊之苦因載小舟放之長流中左官南雄推官有政聲

歐陽文忠公歸田錄云處士林遺居於杭州西湖之孤山逋工筆畫善為詩如草泥行郭索雲木叫釣翰頗為士大夫所稱惜不見全篇

朱彞尊西陂記埕澤云者埕以言關伯之丘澤睢水也其地有蒲魚萑葦之利漁有村蟹有舍

普天樂詞云村村斲蟹肥日日湖菱賤俗稱嘉興斲

蟹是也

李日華曰吾郡風物極佳者汾湖紫螿陶莊黃雀相湖銀絲魚桃花里蚕時軟壳鰕海鹽緇鱖白蜆乍浦鵝鳥漱浦澹牛乳平湖馬鮫嘉善楓涇青口蜆崇德石門子羊超山白楊梅四村笙竹笋鷹窠頂松花葷皆他方所無兩角而彎者為菱四角而芒者為芡吾地小青菱被水而生味甘美熟之可代殮飯其花鮮白與蘋蓼同時正所謂芡也春煠時吾地入楚屈到所嗜其即此耶此物東不至魏塘西不踰陡門南不及半路北不過平望週遮止百里內耳

武夷記武夷君食石蚶臍沙虹鮓河祗脯

鈞玄錄物多換骨如人之齒龍之骨象之牙鹿之角
蛇之皮蝦蟹之殼皆終身一換惟鹿則每歲一換龍
象至六十年骨全而後換也

松雨齋運泉約云視火一篝驚翻蟹眼

海中蝦蟹之壳堆塚塩壑夜或有光余一日赴友人
湖舫之招既暮偶燭滅盤饌中有數器煜煜如熒火
燭來則滅燭去復然驗之乃猪胃也客皆駭然余曰
此必新塩所煮海氣未盡耳出紫桃軒又綴

十月霜葉酣黃沙柳盡脫蟹放入掌笑傲無畦何慙

作漁子隊耶

出竹塹
花鳥傲

河朔雄霸與滄棣皆邊溘漂霜蟹當時不論錢也每
歲諸郡公厨糟淹分給郡僚與轉餉中降貴人無慮
殺十萬命余寮壻李公慎供奉侍其季父守雄州會
客具飯始啓一藏甕大蟹滿中皆已通熟可啖而上
有巨螯肌體為糟漿浸漬亦已透黃而罌索甕面往
來不可執衆客驚異徐出而縱之溘中用以戒殺者
甚衆出春渚紀聞

蕭暉詩云河橋雨霽寒潮急客路風清紫蟹肥

公諱
暉

重崖明大宗伯
泰和栗原里人

王世貞詩云蟹擘霜螯勝熊白又云歲月持螯手朝
廷食肉身又得佳酪巨螯新菜云醢乳行溫玉烹苔
間碧綠螯霜落吾手杯百竟何辭不作他鄉味翻深
故國思醉來時自哂張翰亦吳兒又云客顏迴把袂
吾手任持螯又云持螯一醉星杓轉又訪子與長興
道中云綠醢若下堪滿盞紫螯湖頭不論錢又云何
事蟹螯依右手拍浮長在酒船間又云左手持杯右
手螯又云任遣持螯右手忙又云試茶初動螯眼又
雙溪澗云一泓蟹眼吐沫雙澗燕尾分流又云黃雞
紫鱗任肥美又云故園桑落霜風軟紫蟹黃甘事事

豐又云紫蟹黃雞饒殺儂又冬日村居云緯蕭風急
鱗全肥黃雀頭頭飽不飛又水仙子詞云老龍呵睡
眠多日螃蟹呵橫行幾時神龜呵曳尾塗泥予閱奔
州四部稿無全首咏蟹詩搜索碎句不過曰紫蟹曰
霜螯曰右手持而已可知咏物之難

與吳子充書云洞庭始波木葉微脫桂醕棖螯從一
二鄉老生談子長之壯遊口津津聳臂助奇與徐子
言云兩手持蟹教拍浮酒船中此實語也與羅虞臣
云瀛莫之間饒魚鱗足啖濁醪澆磊塊無復可道者
大名一片讀書地

以上出
四部稿

黃華玉庭筠鳳樓梧詞云紫蟹黃柑真解事似倩西
風勸我歸與未

吳學士激詩云蟹湯免盞開旗槍

又江南憶云平生把蠟手遮目負垂竿浩渺渚田熟
青熒漁火寒憶看霜菊艷不放酒杯乾比老垂涎處
糟臍箇箇團

蔡丞相松年銀州道中云小渡霜墩賤如土重崑野
菊大如錢此時最憶涪翁語無酒令人意缺然
劉內翰著詩云船頭魚鱗不論錢

郭邦彥詩云我欲讀爾雅不辨螯鱗名

以上中州集

宋至持蠹歌云今秋大滂平溝渠洛河水勢連直沽
魚罾蝦子張衝途輪園紫蟹常專車作客經年誰歡
娛晨昏坐臥一卷書雷放雲重愁未舒空齋偃仰時
歎歎口腹嗜慾難驅除百錢取蟹三十餘狼愷博帶
行庖厨脍分長圍北牡俱鹽椒烝之風味殊形體磊
砢堆盤盂六跪二螯皆肥腴匡郭豐滿妙不枯肪白
直欲同碑礫殼紅更自媿珊瑚蒟門煮酒如牛酥酌
以大斗何蓬蓬老饕一醉憑人扶解衣脫帽誠樂且
却憶設斲臨江湖燈光耿耿炯留菰蒲夜深水靜來漁
夫縱橫亂走供紛拏曉擔竹筐向賈區易薪換米得

自如昨聞梁苑水所都四野汪洋傾茅廬此物應亦
生鄉閭村童爭取當日晡故園兄弟情非踈登高分
賦相招呼霜螯在手酒累壺東阡西陌尋茱萸我獨
胡為勞形軀一年十月長安居急買扁舟歌與歸雙
槳南下隨飛鳥

汪鈍翁得蟹鳧湖蟹具饌詩云深秋風物好小婦職
砧刀肥脆麤宜臠尖團薄帶糟長腰供饌飯短水具
新醪却人釀酒以
醉者為短水未負便便腹摩挲老興豪

又張六子不食蟹詩以戲之蟹鳧肥可羹江鱸鮮可
斫更取蟹譜觀相勸烹郭索千邨罷亞如雲屯昨日

輸芒朝海神試評尖團誰最美二者風味皆可小
著薑醢計非左俛視魚蝦珠瑣瑣嗟君不食意若何
食指必搖願必朶赤王之盤黃金脂酒酣奚但將螯
持君不見過江儉父非書麓僅得彭蜺貯空腹

明程孟陽題王翹畫蟹云斷葦寒潮裏菰蔣作稻梁
吳江楓落夜公子已無腸

宋范堯夫詩云盤堆白玉鱸腴美手擘黃金蟹壳肥
九域志定海六鄉蟹浦一鎮

晴川云蟹為無腸公子北方之國亦有無腸民也

元李雲陽訊蟹說曰客有惡蟹者得而束之以蒲坐

於庭而訊之曰爾之生也微其為形也不類爾之臂雖長而攘不加奮足雖多而走不加疾而徒欲恣睢睚眦蹙蹙戾契以橫行于世爾果何恃而為此吾將加爾于熾炭之上投爾于鼎烹之中剝爾形剖爾腹解爾支體以償爾橫行之罪爾有說則可無說則死爾于是怒目突瞳掣足露胸喘息既定乃逡巡而言曰噫何子昏惑眩瞶而昧于天地之性乎子之于物也何見其外而不察其內乎子何深于責物而不為人之責乎吾之生也微吾之形也不類吾又長臂而多足凡吾之所以為此者天也吾任吾性則吾行雖

橫亦何莫而非天哉吾任性而居吾循天而行而子欲以為責我是不知天也然吾行雖橫而吾實無傷無腸則無藏無藏則於物無傷也今子徒見吾外而不察乎吾之內是不知物也世之人固有外狠而中惡者此其内外交暴又非若吾之恹恹乎中也子何不是之責而惟我之求乎又有厚貌而深情者其容色君子也辭氣君子也衣服趨進折旋唯諾皆君子也而其中實欽嶽深幽不可窺測此又大可罪也而吾子之不之責也何居且吾之生也微故吾之欲也易足吾嚼嚙薰枯適可而止飽則偃休蛇壇之穴而

無營焉吾又何求哉吾之行雖橫不過延緣涉獵乎
沙草之上於物無損也於類無競也而吾又何罪乎
吾任吾性吾循吾天而子欲加我於熾炭之上投我
於鼎烹之中是亦天而已矣而吾又何辭焉容於是
俛首失辭遽解其束而縱之江余讀易至離離為嬾
故嬾之剛在外又離為火火炎上故蟹之性躁而急
此其得於天有不可變者人為物之靈則雖頑鄙凶
辟無不可變彼不可變而不變徒欲以橫行之故猶
足以取惡於人况乎可變而不變則於肆行而不悛
者其取惡於人也亦甚矣嗚呼人固異於嬾也異於

懈而不自異焉又反有不蟹若者此豈不深可愧也
余嘗聞客訊蟹事又因讀易有感欲書之未能適友
人持三蟹圖來觀故為述其說如此觀是圖者苟因
予說而推之其亦少有警也夫公諱祁字希遠茶陵
人登元統元年癸酉左榜進士第二人蓋元取士有
左右榜其右榜第二則余闕也

黃田港記蘇子瞻賡唱大誇珠犀魚蟹之富

建德府

又云人近珠犀之山頗亦富饒郡居魚蟹之鄉未為
岑寂

大澤荒陂足魚蟹浦蓮之利

安吉州

沃壤平疇稻蟹獨吳中之最澄湖別淑尊鱸亦天下
之稀平江唐

李璜云鄞縣富於稻蟹之利地大物萃

試考州園有蕉荔蟹蠶之美泉州以上方輿勝覽

天井山上有五井歲旱祈之得蜥蜴蛇蟹之類輒雨

浙江通志

阮籍清思賦彭蚌微吟

杜子民詩人穿魚蟹市路入斗牛天萬花谷淮東路揚州

龍筋鳳髓判云舐醢鴈醢之類百代相因龍醬蟹醬
之流千齡不易劉允鵬注曰醬醢也今海上多造蟹

醬

蟹荒安放米內則經久不蛀古今秘苑

河渚夏間小蟹以醬連殼炒之可下酒

廣川書跋孔戣志云當戣為華州刺史奏江淮進海
味道路擾人憲宗以其言忠詔除嶺南節度使嘗見
隋煬帝時責貢四方而海錯出尤盡當時如鮓魚蝦
子含肚鱸魚乾膾蜜擁劔桂蠹鯉腴動輒千品勞人
珍物至江淮絕魚雖欲不亡其可得耶

唐子畏墨竹題云嘈雜欲疑蠶上葉蕭森更比蟹爬
沙

網澗而踈蝓蝦其逋利以得魚

出潛虛

張超誚青衣賦云三族無紀綢繆不序蟹行索妃旁

行求偶昏無媒理宗廟無主

後集引備吹錄作張起蟹行索妃誤

莊子注俗人博帶峨冠強為其服而無其實今蟹名
雌曰博帶

蝓螺之背微高原形似之即班固賦原隰龍鱗之喻

汪召符傳宋齊邱召符乘舟痛飲至石頭蚶坡磯下

沉殺之

南唐書

太平寰宇記蝓山在海中潮上半沒潮落方見其上

多蝓即螺蚌之類也

前漢書河東郡有解縣師古音蟹

宋孝宗食湖蟹多致患冷痢用新采藕節細研以熱

酒調服如其法數服即愈

見焦氏筆乘

東京夢華錄云東華門外市井最盛蓋禁中買賣在此凡飲食時新蔬果魚蝦蟹鵝兔脯腊金玉珍玩衣著無非天下之奇其品味若數十分客要一二十味下酒隨索目下便有之其歲時果瓜蔬茹新上市并茄瓠之類新出每對可直三五十千諸閣分爭以貴價取之

又云皇城東角樓街北每日平明市買羊頭肚肺赤

白腰子妳房肚肱鶉兔鳩鴿野味螃蟹蛤蜊之類

州橋張家有生炒蛤蜊炒蟹滌蟹洗手蟹又有外來
托賣薑蝦酒蟹

馬行街冬月雖大風雪陰雨亦有夜市剗子薑豉抹
臟紅絲水晶膾煎肝臟蛤蜊螃蟹胡桃澤州錫竒豆
鵝梨石榴查子榘棒糕團子鹽豉湯之類

中秋節前諸店皆賣新酒重新結絡門面是時螯蟹
新出石榴榘勃梨棗栗李荀弄色棖橘皆新上市

是月立冬前五日西御園進冬菜於時車載馬馳充
塞道路時物薑豉剗子紅絲末臟鵝梨榘棒蛤蜊螃

蟬

雲烟過眼錄袁儀蟹高宗題尤氏所藏

洞天清錄鎮紙云蹲虎辟邪有紅綠瑪瑙蟹可為奇
絕

裁刀靶惟西番瀉瀉木最為難得其木一半紫褐色
內有蟹爪紋一半純黑色如烏木裁刀古刀筆古人
用以殺青為書今人入文具上全

蜀人宋永錫畫花竹禽鳥魚蝦學梁廣善傳色有寫
生荷花二魚蟬圖二

文臣劉家字道源善畫魚得戲廣浮深相忘江湖之

意御府所藏三十一皆魚也內魚蟹一幅

見宣和畫譜

雄州右跨白溝河前臨易水有魚蟹菰蒲之利厥中秋登樓臺賞月華薦蟹觀鶴王齊嘉會記翔孤鶴於高雲薦巨蟹以新醪是也又季秋是月也作蟹釀菊

酒甲他處

雜地乘

博濟方婦人崩中腹痛蟹壳燒存性研細末飲每調下一錢取效止

紫雲風用稀蒼蒼耳雄黃末十分之一以醇漆為丸漆用蟹黃攪和化水入藥每日酒服三錢日二服愈跌打重傷大活蟹一隻搗爛熱酒沖服立效

治周身打傷以大活蟹一隻小者二三隻搗爛熱老酒冲服盡量過宿即愈

食蟹牙根腫以朴硝搽之自消

蟹及鶯從屋下出者食之殺人杭城一家見蟹從屋下取出而食之父子俱斃

服芾芾及食柿忌食蟹犯者能作瀉以木香磨汁服之自解

全上

張子韶心傳錄云子平生惡殺見活物必縱之嘗記與高抑崇同舟入京師時淮上多蟹抑崇欲買食而樊實相從亦在舟中且以先生戒殺為言抑崇不領

自買數十隻枝釜煮之置一盎中箕坐大嚼又旁呼
樊子同食樊子畏避不敢頃刻獨盡時楊先生在中
路到其所因以仁為問且說抑崇暴殄之事先先生因
云抑崇安可如此子韶戒殺而子故殺何也少刻告
退先生獨見留徐云子韶以周公為仁人否曰安得
不謂之仁人公見他甚處是仁曰周公愛商民不忍
加刑叮嚀訓告欲化以德其後周家仁及草木皆公
之推也先生曰固是公不見他蕪夷狄驅猛獸滅國
者五十是甚手段此又不比殺鱗舊常與高子說恐
以此默激公耳公又不可執着自此漸覺于仁上無

拘礙真良藥也深中此病

東坡謫居黃州與秦太虛書曰所居對岬武昌山水
佳絕有蜀人王生在邑中往往為風濤所隔不能即
歸則王生能為殺雞炊黍至數日不厭又有姓潘者
作酒店樊口棹小舟徑至店下村酒亦自醇釀柑橘
枳柿極多大筭長尺餘不減蜀中外縣米斗二十錢
有水路可致羊肉如北方猪牛麋鹿如土魚蟹不論
錢岐亭監酒胡定之載書萬卷隨行喜借人看黃州
曹官數人其家善庖饌喜作會太虛視此數事吾事
豈不濟矣乎讀至此想見掀髯一笑也予觀東坡所

言皆真情逸興隨寓而適予居南安所食止有白猪
大芋土瓜酒雖佳予素不喜飲魚蟹絕無庖者亦難
得予平生性又不喜游然終日閉戶倚柱著書度日
見東坡所說樂極無涯予若在筓中亦塊然一物耳
又不如自遣其所適也自顧怪僻良可大笑_上

明陳白陽題畫菊第七首云九月湖頭鱗正秋鬼董
收秫釀新菑明須急發扁舟去莫遣黃花為我愁陳
君諱淳字道復後以字行別字復甫蘓郡長洲之大
姚村人也以詩名家而尤工於書畫有集若干卷曰
白陽集蓋以先墓在白陽山故以為號而當世亦稱

之曰白陽先生其書出入米蔡其雲山花鳥兼張長
史郭恕先之奇片楮尺鱗人爭購之

吳子副送性之詩有老子只堪持蟹螯之句因寄之
秋來殘暑猶頑賴推擠不去吁可怪哦君妙齒頰
清冰壺照人吐精彩絕知此公風味高想見尊前持
蟹螯說禪不用朱藤杖看月却披宮錦袍大藩衣冠
蔚城市君所過從天下士忘懷一笑饒年華醉裏千
篇是生計相知何必蓋須傾此語荒唐却認真人生
懷抱要磊落他年相逢是故人

宋釋德
洪覺範

和曾倅喜雨云猶勝恐及水中蟹不合郭索持雙螯

全上

文華平禁私征云夫並海熟海既裁佃蛤螯取租矣
蠓螽小利又取息矣大洋之魚何預人事而亦稅之
乎

天啟中客氏喜食蟹宮女剝蟹肉疊成花鳥游魚蝴蝶

蝶之形

沈案
城說

周易音義云蟹天蟹人語亦新也

沈明臣鄔氏山齋食燒蟹歌淮霜蟹肥何崛強江沙
黃甲深遜藏秋高郭索輸稻芒海客徒誇海味長鄔
家厨頭生異香纖手出自閨中良想當臨鼎炊桂漿
細剝青蔥雜椒薑玉盤高疊黃甲張觸鼻垂涎不待

嘗攘臂奉鞬恣大嚼
擘開紅玉凝膏腸
須臾盤空恨指衆
澆以黃流三百觥
世間快事那如此
何不封我淮南王

天步真原世界篇云
太陽入巨蟒初度
火星先太陽東出
天氣極熱

高鵬飛次靜海令
蓋晞之食蟹吳中
郭索聲價高草泥
足上生青毛越中
海市喧見曹白蟹
厭飫霜前螯新豐
送旅酒濯足齊國
相君飯脫粟當時
珍味無所需吳越
土宜俱碌碌

高續古詩左杯右蟹
一舟足早韭晚菘
三畝強

三山雜言蟹螭長解紅甲螭黃復剖紫房不信西施

有舌惟知公子無腸

俞安期
琴琴集

鄞縣有范公差夜往餘姚半空天忽響亮見火光從
蟹鉗出蟹鉗之大如海帆有龍兆於雲中不見其首
唯两眼如盞蓋蟹以火烧龍龍下水電敵之而火愈
熾不知蟹果勝龍否也

張彥
芳說

王阮亭池北偶談載閩人林媚著螭集十卷蓋以
蟹名其集

又阮亭詩云灤鯽黃羊滿玉盤菜雞紫蟹等閒看不
如隨分閒茶飯春韭秋菘未是難

居易
錄

集異志晉武太康四年會稽縣化鼠食稻謂聽讒諛
罷任賈充楊駿之應也秋雨彌旬稻田出蟹甚衆每
剪稻梗而食陸地草內亦多小蟹

齊民要術藏蟹法九月內取母蟹

母蟹臍大竟腹得
下公蟹狹而長

則水中勿令傷損及死者一宿腹中淨久則吐黃吐
黃則不好

先煮薄糖

糖薄
錫

著活蟹於冷糖甕中一宿著蓼湯和

白鹽特須極鹹待令甕成半汁取糖中蟹內著鹽蓼

汁中便死

蓼宜少著
多則爛

泥封二十日出之舉蟹臍著薑

末還復臍如初內著柑甕中百箇各一器以前鹽蓼
汁澆之令沒密封勿令漏氣便成矣特忌風裏則壞

而不美也

又法直煮鹽麥湯甕成詣河所得蟹則內鹽汁裹滿
便泥封雖不及前味亦好值風如前法食時下薑末

調黃蓋威薑酢

上全

朝鮮館夷語呼鯉魚曰板果吉曰主我呼蝦蟇曰酒
必格以曰哈害琉球呼魚曰亦窩龜曰嗑也而無蟬

稽古堂藏書咏距食蛋善負蠶績蟬呈筐

浮山集

自序篇齊怒蚶螯烹蛤蚶貧拘燠蟻畏蝟蟬

自注云
串用何

統輒又云銳前郭索輸蚯蚓愈痼蟾蜍注鼃龜

音去

武功遊記武功為袁吉之岳以葛仙名永平前峯為

翠屏第三折為回頭尊尊之下屏石垂綃所泄為癩

蠶匯

以上俱
海山集

天順時西溪周謨百咏舊題有癩埭蝦兜按蝦埭兜
在西溪之西北古塘畷口

子夏易傳為鱉為蟹為羸為蚌為龜骨剛於外也唐
李鼎祚集解曰此五者皆取外剛內柔也按漢藝文
志無子夏易傳隋唐志始有卜商傳二卷云已殘缺
今書十一卷首尾完具晁景迂曰此唐張孤所作

劉涓陽桂枝香咏蟹云斷埼漁舍正落葉寒波折蘆
秋夜幾處篝燈映水晚潮初卸橫行細聽爬沙起任

延緣亂投簾罽青匡極就紫繡攜來曉屢騰價便
擘向翠樽綠傘記分湖渡口結綺亭下呼取酒徒品
較尖團黃赭蘋洲蓼岸相逢處扶一葦宛成圖畫俊
味初肥兔華消盡滿膝紅蓀

夢林玄解夢黃甲蟹貞吉占曰黃色似金甲有科甲
甲兵二義士人夢之名登金榜武將夢之威著虜庭
若疾病詞訟夢之必主解散交易婚姻夢之必主難
成

蟹為甲冑橫行之象蟬滿田原者衆多之兆夢此主
兵戈擾攘寇盜縱橫有國家者當修城郭繕器械嚴

武備以預防之

蟬螻一名蟬螻似蟬而小凡夢之者甚非吉兆疾病
夢此主彭脹嘔吐詞訟夢此主越狂欺凌若有兵權
而作威福者夢此當思蒞醞之戒

一士人赴省應試夢得蟹而去其足以問占者曰蟬
去足乃解字也當為解元及榜出果第一上全

海鹽張寧家藏石癖一枚其體如玉以水磨之腥氣

如癖病目者塗之能脫皆定痛方洲雜錄

元李孝先大龍湫記西北立石作人俯勢更進百數
步如樹大屏風而其顛捨舒猶癖兩螯時一動搖行

者兀兀不可入

渭南詞側船蓬使江風蟹合參差漁市東到時聞暮
鐘

冬日詩云山暎已無梅可折江清猶有鱉堪持神山
歌云有手惟可持霜螯病酒云尚無千里尊敢覓鏡
湖鱉又飯罷作蒸鷄最知名美不數魚鱉夜飲即事
磊落金盤薦糖鱉纖柔玉指破霜柑又客談荆渚武
昌洞庭四萬八千頃蟹舍正對蘆花洲豐城村落云
菰正堪炊鱉正肥暮歸舟中鱉舍叢蘆外菱舟薄靄
閒舟中曉賦香醞炊菰白醇醪點鱉黃海錯有酒云

滿貯醇醪漬黃甲密封小瓮餉紅丁又云兩螯何辜
蟹喪軀小酌云團臍磊落吳江蟹縮項輪囷漢水鱗
秋郊云水宿依蟹舍新秋感事半榼浮蛆初試釀兩
螯斫雪又嘗新秋社云稻蠲雨中盡海氛秋後空立冬
後小飲傳芳邨鮮烹羊脚破戒猶慙劈蠲臍石洞餉
酒云魚長三尺催膾玉巨蟹兩螯仍斫雪醉中歌滯
陽糖蠲徑尺餘又云蠲螯正可左手持霜夜云黃甘
磊落圍三寸赤蠲輪囷可一斤兩三日歌云輪囷新
蠲黃欲滿磊落香橙綠堪摘小飲云雙螯初斫雪珍
蒸已披縣又云新橙且蟹螯新秋云溪女留新蠲圍

公餉晚瓜村隣會飲云披緜黃雀麴糝美斫雪紫蟬
椒橙香次蘇叔黨北山詩云尖團擘霜蟬丹漆釘山
果寄題季長飾菴云何由共杯酒把蟹擘黃甘近村
民舍小飲霜蟬初把螯絲蓴小添豉秋日雜咏云菰
蒲風起算蕭蕭煙欵林疎見斷橋白蟬蟹魚初上市
輕舟無數去蔡潮悲歌行有口但可讀離騷有手但
可持蟹螯對食戲詠橙黃出白金盞美菰脆供盤玉
片香客送輪囷霜後蟬僧分磊落社前薑示客云紫
蟬迎霜徑盈尺白魚脫水重蕪斤秋晚村舍潮壯知
多蟬霜遲不損隨村居云坐居每袖持螯手妄想寧

沈見麴涎戒殺云既畜鷄鶩群復利魚鱗賤暴殄非
所安擊鮮况親見對酒云染丹黎半頰斫雪鱗雙螯
又云黃甲如盤大紅丁似蜜甜視東臯歸小酌不負
初寒辦螯手床頭小瓮撥新醅稽山行村村作蟹榼
處處起魚梁又醉中云披綿珍燾經旬熟斫雪雙螯
洗手供初秋即事擘鱗時須近酒釀讀近人詩君看
太羹玄酒味鱗螯蛤柱豈同科秋來雜賦咏黍黃鷄
嫩迎霜紫鱗新酒熟書喜久厭薤葷愁下筯眼明湖
上得雙螯

偶得長魚巨鱗命酒小飲蓋久無此舉也老生日日

困鹽齏異味搜魚與栢鷄敢望槎頭分縮項况當霜
後得團臍堪憐妾出緣香餌尚想橫行向州泥東崦
夜來梅已動一樽芳醞經須携以上陸放翁
咏鱗摘句
明僧大善長沈澗詩云澗蟹橫行翻上下藤花隨水
逐高低

天目中峰和尚二月旦示衆云備還知命存呼吸麼
壯色不停猶如奔馬麼或不趁此呼吸未斲之頃壯
色可玩之時拌性命提起話頭與之挨揆討箇分曉
其落湯螃蟹之喻答將誰歸

又云帶甲者潛於深淵負鱗者縱於巨壑無一衆生

不戒正覺

題羅漢揭厲圖云諸佛海衆生海聞前輩已嘗置之一毫腹中擊閉雖超越分段生死具跨虎縛龍之力而不能與境混融區區耐形體與魚鼈蝦蚌浮沉於粘天鯨浪之間自謂神通不可及矣宜乎黃葉有斫折其脛之怒雖然也是為他閑事長無明中峯黃錄

夢梁錄彭胡產鹽官西湖舊多葑田蚌螯產之今湖中官司開圻蕩地艱得矣

杭城沿街頭盤叫賣糟羊蹄糟蚌又有挑擔檯盤架賣江魚石首鮓魚蜆魚鰻魚鱗魚鯽魚白蝦魚白蚌河蚌河蝦田鴛等物

分茶酒店杭城食店多是效京師人開張亦效御厨
體式貴官家品物如赤蟹假炙蟹棖醋赤蟹白蟹辣
羹蜂蟪簽蜂蟪辣羹溪蟪奈香盒蟪辣羹蟪簽糊蓋
蟹棖醋洗手蟪棖釀蟹五味酒醬蟪酒潑蟹

葷素食店有水晶包兒笋肉包兒蝦魚包兒江魚包
兒蟹肉包兒藕鴨包兒又有羊肉饅餡太學饅餡糖
肉饅餡笋肉饅頭魚肉饅頭蟹肉饅頭

市肆謂之團行蓋因官府回買而立此名不以物之
大小皆置為團行如城西花園泥路青果團後市街
柑子園渾水開養團又有名為行者如官巷方梳行

銷金行冠子行城北魚行城東蟹行薑行菱行州北
猪行北候潮門外南猪行南上北土門菜行壩子橋
鮮魚行橫湖頭布行鷄鵝行

以上俱吳自牧夢梁錄自牧宋錢塘人

寄彭城交舊云白魚紫蟹秋初美戲馬飛鴻夢屢遊

慶湖遠
老集

余嘗入石袍山澗中偶見二頭一食鱗一食蚶見人
驚起食蚶者尚啣蚶而飛蚶食尺許雙耳習習如飛
鳥之使翼也獠俗賤之不與婚娶

身兩
黃黃

相臺岳珂庸之云九江霜蟹比他處墨膏凝溢名冠
食譜久擬遺高紫糍而家僮後期未至以詩道意君

不見東來海嶼誇江陰肌如白玉黃如金又不見西
來湖嶼到沔鄂玉軟金流不堪斫九江九月秋風高
霜前突兀瞻兩螯昆吾欲割不受刀頗有長碧流元
青平生尊前歌此味更看匡廬拂空翠今年此曹殊
未來使我對酒空悠哉舊傳騷人鍊奇句無嶼無山
兩孤負不到廬山孤負目不與老來政欠兩眼青那
復前籌虛借箸祇今鄉國已駿奔軍將日高應打門
流涎便作翅車夢半席又擬鍾山分先生家住岷峨
脚屢放清游仍大嚼襟期盡醉何日同試筮太玄呼

郭索

咏螃蟹云無腸公子郭索君橫行湖海劍戟群紫髯
綠殼琥珀髓以不負腹誇將軍酒船拍浮老子慣咀
嚼兩螯仍把玩廬山對此眼倍青願從公子醉復醒
謝趙季茂海錯云首槃朝日照蓬蒿消得長吟賦老
饕喜見監州有螃蟹未須學士議車螯

以上俱王
楮詩稿

龔希仲中吳紀聞吳之出蟹舊矣吳越春秋云蟹稻
無遺種又陸魯望集有蟹志云漁者締蕭承其流而
俸之曰蟹齋又曰稻之登也率執一穗以朝其魁然
後縱其所之今吳人謂之輸芒

宋尤玘云兵部侍郎五湖公諱樂性愛蟹秋風蟹肥

日把酒持螯與客笑。做山陰術士袁大韜者其術動
帝王孝宗時時召前席賜賚不可勝計大韜挾人主
之寵往來三公九卿間而與兵侍公最昵一日訪公
里第值公在華藏寺遂操扁舟擢湖而來公方與客
飲雲海亭上漁人網得八大蟹其內有二大幾一觔
非復平日所見公甚喜捐錢數百文賞之而大韜造
至喜而劇飲大韜曰某近遇一異術能知人食料兵
侍公曰今得八蟹一主六客孰烹食者大韜嘿坐屈
指數十回算之面漸赤不叫曰異事異事七人俱不
得食蟹衆皆大笑大韜復嘿算者久之謂兵侍公曰

公五年以內未得食蟹公亦大笑未幾客有朱朗卿
與弟遂卿者偕至酒方數行催庖人治蟹甚急忽遂
卿奔來曰吾兄催蟹啓釜觀之暗一落足甚巨取而
嘗之頃刻眩倒衆共奔視朗卿死矣二三客迎醫治
朱各司其事至暮遂不能救大翰手取諸蟹傾於湖
濱偶遺一二落足于岸左一犬食之立斃而湖濱大
小魚之死者不可以數計湖中漁舟百十皆仰尤氏
為衣食者乃名進蟬人問之曰得於湖岸大赤楊下
公命僕夫持挿掘之得赤首巨蛇數十蟹之大者以
久殮毒氣也兵侍公甚憐朗卿厚葬之而恤其子弟

厚賜大輜數十金終身戒不食蟹

萬柳溪
遠舊話

又玉楮詩藁以螭蟬寄高紫微踐約侑以雪醅時猶
在黃岡前朝無蟬惟有詩亦復無酒供一甌今朝有
蟬仍有酒極目征帆更搔首古來樂事誇持螯赤瓊
釀隨玄玉膏菊花吹英好時節况是九日將登高旌
旗半江笳鼓發不作詩人淡生活待君淨洗沙漠塵
歸趁看燈更奇絕庸之自注云蟬至正月重出俗謂
之看燈蟬

趙季茂遺予郭索侑之以詩予早上亦遣山肴兩介
蓋相與駕肩也因和二首驛書傳驛使江蟬出江涓

目早同蝦蟇螫曾與虎持紫髯卸金甲赤髓映瓊肌
正是清霜月相從無厭時倚桂傍巖麓采芝行谷湄
偶因山雨駐何有嶺雲持鼎芼朝欺腹窓寒夜切飢
開查應一笑會有憶人時上

王魯齋造化論璘螫而體疑

張良臣詩濁醪初熟薦霜螫不擬寒山不廣騷

元方回過臨平詩璘斫非義卦漁柳即舜韶桐江續

遠安惠糟蟹新酒云偉哉無腸公橫行占江湖几欲
肆其雄上山攫於菟無端四五輩懷椒尋酒壚枕藉
糟丘下醉魂呼不到尚想橫戈勇胸次與世殊開懷

風味佳大丹液膏腴此寶君所儲何為貽老夫趨生
挾之前爛然陳座隅當其左持螯不知竭此壺醑酌
無何鄉軒冕不閑渠東望歌老叢前溪梅影踈南宋錢塘

陳起宗之
芸居乙稿

得蟹無酒云水鄉秋晚得白蟹望斷碧雲無酒家此
意淒涼何所似淵明醒眼對黃花南宋廬陵劉仙倫
招山卜集

元和志鉅鹿縣大陸澤一名鉅鹿澤在縣西北東西
二十里南北三十里葭蘆茨蓮魚蟹之類充牣其中
論衡云保蟲三百人為之長由此言之人亦蟲也人
食蟲所食蟲亦食人所食俱為蟲而相食物何為怪

之設蟲有知亦將非人夫蟲食菽猶有止期猶蠶食桑自有足時也生出有日死極有月期盡變化不常為蟲甘香渥味之物蟲生常多人遍食之而迄無止期也余作續蟹錄非徒博徵蟹事亦欲人節飲食薄滋味毋縱口所嗜而已故引商蟲篇終焉